

Na osnovu člana 27.stav 2. Zakona o budžetima u Federaciji Bosne i Hercegovine („Službene novine Federacije Bosne i Hercegovine“, broj:102/13), člana 104. stav 1. Zakona o zdravstvenom osiguranju („Službene novine Federacije Bosne i Hercegovine“, broj: 30/97, 07/02, 70/08 i 48/11), člana 12. Statuta Zavoda zdravstvenog osiguranja i reosiguranja Federacije Bosne i Hercegovine („Službene novine Federacije Bosne i Hercegovine“, broj: 69/05), Upravni odbor Zavoda zdravstvenog osiguranja i reosiguranja Federacije Bosne i Hercegovine, na sjednici održanoj 29.09.2014. godine donosi

O d l u k u

o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2015. godinu

I Opće odredbe

Član 1.

Ovom Odlukom se utvrđuje način izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine (u daljem tekstu: *Finansijski plan*), kao i struktura prihoda i rashoda navedenog Finansijskog plana i njihovo izvršavanje, dinamika i prioriteti u plaćanju obaveza, planiranje novčanih tokova i finansijsko izvještavanje.

II Struktura prihoda i rashoda

Član 2.

Finansijski plan Zavoda zdravstvenog osiguranja i reosiguranja Federacije Bosne i Hercegovine (u daljem tekstu: *Federalni zavod*) se sastoji iz tri dijela i to:

- *Finansijskog plana federalnog fonda solidarnosti;*
- *Finansijskog plana Stručne službe Federalnog zavoda i*
- *Konsolidovanog plana na nivou Federalnog zavoda.*

Član 3.

Finansijski plan federalnog fonda solidarnosti sastoji se od plana prihoda po izvorima, sredstava i rashoda po namjenama, sa obrazloženjima rasporeda rashoda po pojedinim programima zdravstvene zaštite koji se finansiraju sredstvima federalnog fonda solidarnosti u Bosni i Hercegovini i u inostranstvu.

Finansijski plan Stručne službe Federalnog zavoda sastoji se od plana prihoda po izvorima, sredstava i rashoda za obavljanje poslova iz nadležnosti Stručne Službe i to: bruto plaća (neto plaće sa pripadajućim porezima i doprinosima), naknada za zaposlene u Stručnoj službi, izdataka za materijal i usluge, te kapitalne izdatke.

Konsolidovani Finansijski plan se sastoji od plana ukupnih prihoda po izvorima sredstava i rashoda koje ostvaruje Federalni zavod, a koji uključuju prihode i rashode federalnog fonda solidarnosti, Stručne službe Federalnog zavoda, te prihode i rashode za zdravstvenu zaštitu radnika na privremenom radu u inostranstvu (u daljem tekstu: detaširanih radnika).

Član 4.

Planirani prihodi Federalnog zavoda po izvorima sredstava ostvarivaće se u skladu sa Zakonom o zdravstvenom osiguranju, Zakonom o budžetima u Federaciji Bosne i Hercegovine („Službene novine Federacije Bosne i Hercegovine“, broj: 102/13), Zakonom o doprinosima („Službene novine Federacije Bosne i Hercegovine“, broj: 35/98, 54/00, 16/01, 37/01, 1/02, 17/06 i 14/08), Odlukom Vlade Federacije Bosne i Hercegovine o utvrđivanju visine stope doprinosa za federalni fond solidarnosti za 2015.godinu, Odlukom o utvrđivanju posebnog doprinosa za zdravstvenu zaštitu radnika na privremenom radu u inostranstvu („Službene novine Federacije Bosne i Hercegovine“, broj: 74/08) i drugim propisima koji regulišu ovu oblast, kao i mjerama koje će Federalni zavod poduzimati u okviru svoje nadležnosti, te aktivnostima drugih subjekata koji na direktan ili indirektan način sudjeluju i utječu na ostvarenje prihoda.

Plan prihoda sastoji se od:

- *prihoda od doprinosa za obavezno zdravstveno osiguranje utvrđenih Zakonom o doprinosima;*
- *prihoda od paušalnih naknada za zdravstveno osiguranje ino-osiguranika;*
- *prihoda od posebnog doprinosa za zdravstvenu zaštitu radnika na privremenom radu u inostranstvu;*
- *sredstava iz Budžeta Federacije Bosne i Hercegovine;*
- *prihoda od kamata;*
- *prihoda od donacija i*
- *ostalih prihoda.*

Donacije koje nisu planirane u Finansijskom planu, a ostvare se u toku fiskalne godine namjenski će se raspoređivati.

Član 5.

Plan rashoda se sastoji od:

- *rashoda za finansiranje programa zdravstvene zaštite koji se finansira sredstvima federalnog fonda solidarnosti, a koji obuhvata pružanje zdravstvenih usluga u zdravstvenim ustanovama u Federaciji Bosne i Hercegovine i u zdravstvenim ustanovama u inostranstvu za oboljenja utvrđena Pravilnikom o uvjetima i postupku upućivanja osiguranih lica za liječenje u inostranstvo („Službene novine Federacije Bosne i Hercegovine“, broj: 93/13), te nabavku lijekova i medicinskog materijala;*
- *rashoda za finansiranje plaća (neto plaće sa pripadajućim, porezima i doprinosima) i ostalih prava iz radnog odnosa uposlenika Federalnog zavoda, te materijalnih i ostalih troškova Stručne službe Federalnog zavoda;*
- *kapitalnih izdataka Stručne službe;*
- *rashoda po odlukama Upravnog odbora;*
- *rashoda za zdravstvenu zaštitu detaširanih radnika.*

III Izvršavanje Finansijskog plana

Član 6.

Sredstva utvrđena Finansijskim planom mogu se koristiti samo za namjene i do visine utvrđene Finansijskim planom, a u skladu sa dinamikom utvrđenom tromjesečnim i mjesečnim planovima, na osnovu plana novčanih tokova, putem kojih se projiciraju sve uplate i isplate Federalnog zavoda.

Član 7.

Finansiranje programa zdravstvene zaštite na teret planiranih rashoda federalnog fonda solidarnosti vršiće se u skladu Finansijskim planom i Programom zdravstvene zaštite koji se finansira sredstvima federalnog fonda solidarnosti, a koji obuhvata pružanje zdravstvenih usluga i nabavku lijekova i medicinskog materijala.

Finansiranje pružanja zdravstvenih usluga u zdravstvenim ustanovama u Federaciji Bosne i Hercegovine vršit će se na osnovu zaključenih ugovora između Federalnog

zavoda i zdravstvenih ustanova nakon provedenih postupaka saglasno Zakonu o javnim nabavkama i to do visine ugovorenog obima i vrijednosti ugovorenih usluga.

Finansiranje nabavke lijekova će se vršiti na osnovu zaključenih ugovora sa odabranim dobavljačima, nakon provedenog postupka javne nabavke u skladu sa Zakonom o javnim nabavkama. Nabavka lijekova će se vršiti najviše do iznosa sredstava planiranih Finansijskim planom i Planom javnih nabavki za 2015. godinu.

Finansiranje liječenja oboljenja u inostranstvu finansiraće se na osnovu zaključenih ugovora sa zdravstvenim ustanovama u inostranstvu, međunarodnim sporazumima o socijalnom osiguranju i Pravilnikom o uslovima i postupku upućivanja osiguranih lica na liječenje u inostranstvo. Upućivanje na liječenje u inostranstvo će se vršiti do visine sredstava planiranih po Finansijskom planu.

Član 8.

Izdaci za plaće i naknade troškova zaposlenih će se izvršavati u skladu sa Pravilnikom o radu i drugim općim aktima Federalnog zavoda kao i propisima koji regulišu ovu oblast, a najviše do visine utvrđene Finansijskim planom.

Izdaci za materijalne troškove i usluge će se izvršavati u skladu sa općim aktima Federalnog zavoda, do visine utvrđene Finansijskim planom.

Izdaci za kapitalne izdatke će se izvršavati u skladu sa Planom javnih nabavki, do visine planiranih sredstava.

Troškovi zdravstvene zaštite detaširanih radnika finansiraće se namjenskim sredstvima, a plaćanje će se vršiti po ispostavljenim fakturama od ino nosilaca zdravstvenog osiguranja.

Član 9.

U slučaju da se tokom godine pojave hitni i nepredvidivi izdaci finansiraće se sa pozicije planiranih „ostalih rashoda u funkciji provođenja programa federalnog fonda solidarnosti“.

U slučaju potrebe, u toku fiskalne godine, Upravni odbor Federalnog zavoda može, na prijedlog direktora, donijeti odluku o prestrukturiranju rashoda u okviru ukupno odobrenog iznosa rashoda u Finansijskom planu, a najviše do 10% ukupno odobrenih rashoda.

Odluku iz prethodnog stava Upravni odbor Federalnog zavoda može donositi i više puta u toku 2015. godine, a najviše jednom kvartalno.

Član 10.

Direktor Federalnog zavoda je odgovoran za upravljanja prihodima i rashodima Federalnog zavoda.

Član 11.

Upravni odbor Federalnog zavoda ima odgovornost da prati i održi ravnotežu ostvarenih prihoda i rashoda u skladu sa Planom.

IV Dinamika plaćanja i prioriteta

Član 12.

Služba za finansije i računovodstvo i Služba za planiranje i ekonomiku su nadležne za planiranje tromjesečnih i mjesečnih novčanih tokova kojima sačinjavaju projekciju priliva i odliva sredstava, a koji predstavljaju osnovu za izvršavanje Finansijskog plana.

Član 13.

Finansijski plan će se izvršavati po slijedećim prioritetima.

- 1. Izvršenje zdravstvenih usluga utvrđenih u programu zdravstvene zaštite u zemlji i inostranstvu,*
- 2. Izdaci za nabavku lijekova i potrošnog medicinskog materijala,*
- 3. Plaće, doprinosi, porezi i naknade zaposlenih,*
- 4. Naknade članovima Upravnog odbora i stručnim komisijama,*
- 5. Ostali materijalni troškovi za Stručnu službu,*
- 6. Kapitalni izdaci i*

7. Ostalo.

U slučaju nelikvidnosti plaćanje će se vršiti prema redoslijedu dospijeća obaveza, a na osnovu plana novčanih tokova.

V Finansijsko izvještavanje

Član 14.

Federalni zavod će vršiti finansijsko izvještavanje u skladu sa odredbama i rokovima utvrđenim Pravilnikom o finansijskom izvještavanju i Godišnjem obračunu budžeta u Federaciji Bosne i Hercegovine („Službene novine Federacije Bosne i Hercegovine “ , broj 69/14).

Kod finansijskog izvještavanja putem propisanih obrazaca Federalni zavod podnosi konsolidovane izvještaje na nivou Zavoda.

Federalni zavod će, pored izvještaja iz prethodnog stava, podnositi Federalnom ministarstvu zdravstva kvartalne izvještaje o utrošenim sredstvima namjenskih transfera iz Budžeta Federacije Bosne i Hercegovine za liječenje povratnika iz Federacije Bosne i Hercegovine u općine u RS.

Stručna služba Federalnog zavoda će podnijeti Upravnom odboru Federalnog zavoda polugodišnji izvještaj o izvršenju Finansijskog plana sa detaljnim obrazloženjima o ostvarenim prihodima i rashodima, provođenju programa federalnog fonda solidarnosti, sa prijedlozima mjera u cilju postizanja pozitivnog finansijskog rezultata, odnosno ostvarenja planiranih prihoda za izvršenje planiranih rashoda i pokriće gubitka saglasno utvrđenom Programu sanacije gubitka iz prethodnih godina.

Stručna služba Federalnog zavoda će podnijeti Upravnom odboru Federalnog zavoda godišnji obračun i izvještaj o izvršenju Finansijskog plana sa detaljnim obrazloženjima prije roka za dostavu istog nadležnim institucijama (Vladi i Parlamentu Federacije Bosne i Hercegovine), na usvajanje.

Služba za ekonomiku i planiranje će sačinjavati mjesečne informacije o izvršenom obimu i vrijednosti ugovorenih usluga, iskazanim troškovima za lijekove i medicinski materijal, sa iskazanim odstupanjima izvršenja u odnosu na plan i dostavljati ih direktoru Zavoda radi eventualnog poduzimanja mjera na usklađivanju ostvarenja u odnosu na plan.

Član 15.

Ova Odluka stupa na snagu narednog dana od dana usvajanja od strane Upravnog odbora i dobivanja saglasnosti na Parlamentu Federacije Bosne i Hercegovine, a odnosit će se na fiskalnu 2015. godinu.

Broj:02/IV-01-1-2422-1/14

Sarajevo, 29.09.2014.godine

Predsjednica Upravnog odbora

Snježana Bodnaruk, dipl.iur.